

UNTONEN

RUOTTINKIELINEN



Tämä oon Yniuuni

Ruottin suuriin fakkiliitto privatissa työelämässä



JOITAKI TAVALISIA VIRKOJA Yniuunin jäsenitten seurassa on projektijohtaja, insinööri, administratööri, ekonomii, it-konsyltti, teknikkeri, johtaja, myyjä. Jäsenet on töissä värstaintystriissä, grossi- ja tukkukaupassa, kuljetuksessa ja spedisuunissa, tutkinossa ja kehityksessä, kontturissa/tillaustoimistoissa, soittosentterissä, rakenusintystriissä, keemisessä intystriissä, konsylttinä, ideällissä organisasuunissa ja föreninkissä, it:ssä, mettä- ja paperi-intystriissä, telekomissa, ruokaliikkeen ja meetian kansa, privatissa hammashojossa ja sen semmosessa.

Tervetuloa Yniuuhniin

Yniuuni on Ruottin issoin fakkiliitto privatilla työmarkkinalla ja mailman suurin liitto virkamiehile. Meillä on yli 600 000 jäsentä, joistako 30 000 oon valittu jäseniltä, yli 60 000 yrityksessä ja organisasuunissa. Yniuunila on jäseniä joka paikassa kansanvälisistä konsöörnistä pikku pereyritykshiin.

Yniuunin jäsenet

Joka virkamies työpaikala privatissa sektorissa saattaa olla jäsen Yniuunissa, riippumatta mikä virka, koulutausta elikkä palkantaso hällä oon. Koska Yniuuni ei ole liitetty mihinkhään polittisheen partiioon met olema aina vaphaat vetähmään kysymyksiä jokka, riippumatta polittisia näkökohtia, johtavat paremphaan työelähmään meän jäsenille. Meän jäsenet oon töissä värstaintystriissä, grossi- ja tukku-kaupassa, kuljetuksessa ja spedisuunissa, tutkinossa ja kehityksessä, kontturissa/tillaustoimistoissa, soittosentterissä, rakenusintystriissä, mettä- ja paperiintystriissä, it:ssä ja telekomissa, ruokaliikheen ja meettian kansa, privatissa hammashojjossa ja monessa muussa bransissa. Lukumäärä jokka ei ole jäseniä mishään fakkiliitossa Ruottissa oon korkea- suunile 70 %- ja työnantajat kehottavat useasti ette olla jäsen.

Vapa liitto-oikeus Ruottissa

Se vapa liitto-oikeus Ruottissa merkittee ette sulla oon oikeus kuulua mihinkä fakkiliithoon sie halvaat. Sinun työnantaja ei saa estää sinua menemästä matkhaan fakkiliithoon. Se rikkoo yhistymisvaphautta jos joku - milhään laila- yrittää estää sinua menemästä matkhaan fakkiliithoon. Sie et tartte vastata jos sinun työnantaja kyssyy sulta jos sie mainaat mennä matkhaan fakkiliithoon elikkä et.

Ruottalainen malli

Kolektiiviaavtaali oon pohjana sille niin sanotulle ”ruottalaisele mallile”, joka tarkoittaa ette olosuhteet jokka sektorille päätethään yhtheisesti fakkiliitolta ja työnantajitten organisasuunilta. Koska fakkiliitoila ja työnantajaorganisasuunila oon eesvastuu, niin hallitus ei sekkainu neuvottelhuin- mutta se saattaa panna raamit työmarkkinasäätänön kautta. Mallissa yhistethään juostavuus yrityksile ja turvalisuus ja vaikutusvalta työläisile.

Kolektiiviaavtaali

Kolektiiviaavtaali on vapaaehtonen sopimus työnantajitten ja työntekiöitten välissä joka jällaa työntekiöitten oikeuksia työpaikala. Kolektiiviaavtaali regleeraa vuosittaiset palkan-nousut, yliaikamaksot, lisävakkuutukset, oikeuven ette vaikuttaa, ja sen semmosta. Jos sie olet töissä työpaikala jossako oon kolektiiviaavtaali sie saatat olla turvalinen tiossa ette sinua sisältää hyvä sopimus joka koskee sinun palkkaa, työmallia, työaika, semesteriä, ylös-sanomisaikaa ja paljon muuta. Kolektiiviaavtaali koskee suunile 8 Yniuunin 10 jäsenestä ja Yniuunila oon likemäks 100 eri kolektiiviaavtaalia työnantajaorganisasuunitten kansa privatissa sektorissa.

Työttömyyskorvauskassa (A-Kassa)

A-kassa ja fakkiliitto oon erit organisasuunit. Ko sie olet jäsen a-kassassa sie saatat vakuuttaa sinun palkan jos sie sattusit menettämhään sinun työn. Silloin sie saatat saaja rahhaa yhen ylimenoperiuutin aikana siiheen saakka ette sie löyvät uuen työn. Ko sie olet jäsen a-kassassa sie saatat saaja jopa 80% sinun entisestä palkasta (tienastikathoon saakka joka oon suunile 25 000 kr/kuukausi) ko sie olet kahen työn välissä. Jäsenyys Yniuunin a-kassassa elikkä jossaki muussa a-kassassa ei auttomaattisesti merkitte jäsenyyttä Yniuunin fakkiliithoon ja toisin päin.

Kaikki saattaa tulla paremaks

Yniuunissa met tehämä koko aijan meän parhauven ette parantaa ja muuttaa ja meilä oon pohjana positiivi kattanto siiheen työhöön. Meän vetovoima oon luottavuus ette vaikka monela oon aika hyvin työpaikala tänä päivänä niin kaikki saattaa tulla paremaks. Met olema parantamisbransissa. Met näytämä meän jäsenille ja ympäristömailmale kunka net- niin myötä – ko vasthoinkäynissä työelämässä – saattavat parantaa heän työpaikkaa, parantaa heän ekonomiita ja parantaa itteä ja kunka met saatama tukea sillä mitä Yniuuni saattaa tarjota.



Yniuuni töissä

Työpaikka on Yniuunin tärkein arena. Siellä on tieto ehoista työpaikala ja kunka met halvaama ette se on. Yhessä met veämä meän kysymykset yhtheistyössä ja neuvotteluissa työnantajan kansa. Yniuunila on suunile 3200 klypiä ja 4000 työpaikkaompyyitiä. Meän klypit sisältävät viiestä montheen tuhantheen jäsehneen.

Yniuuni maata ympäri

Yniuuni on rakenettu 18 rekiuunista, Yniuuni Norrbottenista, Yniuuni Louhnaasheen. Joka rekiuunissa on kontturi, joskus useampi. Se merkittee ette met olema likelä jos työpaikat rekiuunissa tarttevat tukea vississä fakkikysymyksissä. Usseimat rekiuunit järjestävät niin kursia, koulutuksia ja aktiviteettiä omin voimin ja net on usseimiten ilhmaisaisa. Katto unionen.se jos sie halvaat lissää informasuunia.

Demokratii Yniuunissa

Yniuuni on jäsenohjattu organisasuuni joka rakentautuu representatiivistä demokratiista. Jäsenet klypissä valikoittevat heän johtokunnan elikkä, jos fakkiklypiä ei ole työpaikala, esimerkiksi yhen työpaikkaompyyitin. Konkressi on Yniuunin korkein päättävä valtuusto. 260 ompyyitiä kohtaavat joka neljäs vuosi ja päättävät mitä Yniuuni eessä päin tullee tekheen. Pohjana on motsuunit jäseniltä, rekiuunilta ja liittojohtokunnalta. Konkressi päättää kansa ekonomiista, säätänöistä, jäsenmaksoista ja valikoittee liittojohtokunnan.

MOTSUNEERAA KOSKA VAIN!

Kaikki jäsenet Yniuunissa saattavat jättää esityksen, motsuneerata omhaan klyphiin, rekiuunineuvosthoon, liittoneuvosthoon ja konkresshiin. Sitä paitti jäsenet saattavat yhtä koska motsuneerata rekiuunijohtokunthaan ja liittojohtokunthaan ja saaja vastauksen kolmen kuukauven sisäle.

Yniuunin johtokunta


Yniuunin liittojohtokunta johtaa liiton toimintaa konkressitten välissä ja sillä on normaalisti 13 johtokuntajäsentä, valikoittu konkressissa. Johtokunnala on hänen apuna liittokontturi jossako on töissä ekspärttiä monelta eri alalta: neuvottelu, neuvonantaminen, jyritiikka, työmiljö, koulutus, komynikasuuni, administrasuuni ja sen semmosta. Liittokontturi on Olof Palmen kaula Stokholmissa.

Menestykselisiä kansallisia yhteistöitä

Yniuuni on jäsen Virkamiesten sentraaliorganisasuunissa, TCO, joka vettää virkamiesfakitten kysymyksiä politiikkeriä ja päättäjiä vasten. Yniuuni on kansa matkassa PTK:ssa, joka on neuvottelu- ja yhteistyöorganisasuuni jossako on 25 fakkiliittoa jollako on fuukkys pansuuni- ja vakkuutuskysymykset. Toinen esimerkki yhteistyöstä on Fakit intystriissä- yks neuvotteluyhteistyö kuuen fakkiliiton välissä jokka on kirjottanheet alle Intystriaaavtaalin. Sopimus regleeraa kunka aavtaalineaavttelut intystriialuheela pittää tehä ja se on vaikuttannu stapiliteethiin, säänlisyytheen ja tosi palkannoushuun. Yks muu yhteistyö on Virkamiessektorin yhteistyösopimus. Viis työnantajaorganisasuunia ja kuus fakkiliittoa siiheen mathaanräknätty Yniuuni, nostavat esile palvelusektorin merkityksen kasvanille ja ekonomiile Ruottissa.

Yniuuni vaikuttaa kansanvälisesti

Monet Yniuunin jäsenistä on töissä yrityksissä jokka toimivat globalilla työmarkkinalla. Ko yritykset ja työmarkkinat tulevat yhä rajattomiksi se kansanvälinen fakkityö ja yhteistyö tulevat vielä tärkeämäksi. Yniuunin tehtävä ette ottaa halthuun jäsenitten intressit ulttuu siis yli Ruottin rajoitten. Met tehemä töitä ette vaikuttaa niilä arenoila missä päätöksiä otethaan, niin eurooppalaisela ko globalilla tasola. Se on kaikista niinku ette lisätä representtasuunia eurooppalaisilta yritysneuvoksilta, ette allekirjottaa useampia eurooppalaisia ja globalia raamiaavtaalia ja ette vaikuttaa politiikkeriä ja virkamiehiä EU:n päättävissä orgaanissa. Met tehemä yhteistyötä fakkiliitoitten kansa Ruottin rajoitten ulkopuolila ja olema matkassa monessa kansanvälisessä fakkiororganisasuunissa.



Meän jäsenyyden lisäksi sulle töissätoimivanna
virkamiehenä Yniuuni toivottaa kansa oma-
tyksiä ja oppilhaita tervetulheeksi. Johtajat
saattavat kansa alkaa jäseniksi. Met tarjoama
kansa vierasjäsenyyden sulle jolleko oon myö-
netty työlupa Ruottissa ja olet kansalainen
maassa ulkopuolela EU/EEA:ta ja Schweizissä.
Lissää informasuunia oon sivula unionen.se.

Soita Yniuuhniin 0770-870 870

Met vastaama kaikkiin sinun kysymykshiin työelämän ehoista ja jäsenyyen etuista.

Huomioitte ette met annama sulle ensi siassa neuvoja ruottiksi. Neuvonantamista englantinkielelä sie saatat useasti saaja, mutta se riippuu siittä ketä meilä oon sinä päivänä töissä. Met emmä saata luvata neuvonantamista useamalla kielelä, mutta jos sie otat meän kansa yhtheyttä niin met tehemä parhauen ette auttaa sinua.

Sie löyvät kansa vastauksia unionen.se jossako vissi informasuuni oon englanninkielelä.



UNIONEN